



Broj poziva: JP-2/25

Datum: 27.03.2025. godine

Vijeće mladih FBiH (u daljem tekstu: VMFBiH) u skladu sa Statutom, i propisanim internim pravilima i procedurama organizacije raspisuje:

Javni poziv za polaznike/ce Akademije omladinske politike BiH (u daljem tekstu: Akademija)

Javni poziv se raspisuje u okviru projekta "Smislimo, kreirajmo i usvojimo politike prema mladima", koji finansira Evropska unija, a sprovodi Institut za razvoj mladih KULT (u daljem tekstu Institut) u saradnji s Regionalnom kancelarijom za saradnju mladih (RYCO), Vijećem mladih Federacije BiH, Mrežom omladinskih centara za animiranje, razvoj i trening Republike Srpske (M.O.C.A.R.T.) i Asocijacijom srednjoškolaca u BiH. Cilj ove inicijative je podrška mrežama omladinskih organizacija civilnog društva i unapređenje njihove saradnje u oblasti mladih i evropskih integracija. Poseban fokus stavljen je na olakšavanje i institucionalizaciju saradnje između vlasti i omladinskih organizacija, s naglaskom na organizacije koje predvode mlade žene i pripadnici marginalizovanih grupa.

Pozadina poziva

Akademija omladinske politike (AOP) predstavlja jedinstven, višemjesečni program koji kombinuje edukativne sesije, studijske posjete i realizaciju zagovaračkih inicijativa u zajednicama. AOP ima za cilj poticanje aktivnog učešća mladih u procesima donošenja odluka, razvijanje njihovih profesionalnih i ličnih vještina te stvaranje prilika za povezivanje i umrežavanje s vršnjacima iz svih krajeva Bosne i Hercegovine.

Tokom 2024. godine, uspješno je realizovan prvi ciklus Akademije, u kojem je učestvovalo 23 mladih iz različitih sfera djelovanja i gradova širom Bosne i Hercegovine. Kroz učešće u programu, učesnici su unaprijedili svoje znanje o omladinskim politikama, usvojili ključne vještine zagovaranja i osmislili vlastite inicijative s ciljem rješavanja konkretnih problema u svojim lokalnim zajednicama.

Dugogodišnje iskustvo rada s mladima ukazalo je na značajan nedostatak programa koji se fokusiraju na prava mladih iz perspektive politika koje ih direktno dotiču. Stoga je AOP osmišljen kao program koji ima za cilj osnažiti mlade ljude u preuzimanju vodećih uloga u svojim zajednicama, pri čemu poseban naglasak stavlja na stjecanje praktičnih vještina koje će im pomoći u ostvarivanju pozitivnih promjena.





O Akademiji

Akademija omladinske politike je edukativni program osmišljen za mlade koji žele aktivno sudjelovati u unaprjeđenju svojih zajednica. Program ima za cilj pružiti mladima potrebna znanja, vještine i resurse za razumijevanje političkih procesa te za zagovaranje boljeg položaja mladih, u skladu s važećim zakonodavstvom. Prva Akademija omladinske politike, organizovana od strane Vijeća mladih Federacije BiH (VMFBiH), realizovana je 2022. godine u Federaciji Bosne i Hercegovine. Do sada su održane tri Akademije, koje je pohađalo više od 125 mladih iz različitih dijelova BiH, čime su unaprijedili svoje vještine i doprinijeli razvoju svojih zajednica.

Akademija predstavlja inovativan koncept jednogodišnjeg obrazovnog programa namijenjenog liderima i lidericama omladinskih i krovnih organizacija, neformalnih grupa mladih i omladinskih radnika. Cilj je razvijati njihova znanja i vještine u oblastima omladinske politike, omladinskog rada, organizacionog razvoja i umrežavanja.

VMFBiH će za ovu Akademiju odabrati 27 polaznika/ca koji/e će sudjelovati u programu sastavljenom od četiri četverodnevna modula. Moduli će obuhvatiti teme kao što su: lokalni i omladinski aktivizam, politički sistem BiH, politike prema mladima u BiH i međunarodnoj praksi, javno zagovaranje, komunikacija i komunikacijske vještine, te strateški pristup radu sa mladima.

Planirani raspored održavanja modula Akademije je sljedeći:

- **I Modul - Lokalni i omladinski aktivizam:** 25. - 27. april 2025. godine;
- **II Modul - Politički sistem BiH i omladinske politike EU i BiH:** 30. maj. - 1. juni 2025. godine;
- **III Modul - Javno zagovaranje:** august/septembar 2025. godine TBC;
- **IV Modul - Komunikacija i rad sa mladima:** oktobar 2025. godine TBC.

Tokom trajanja modula planirano vrijeme rada je od 09.00 do 17.00 sati s izuzećem prvog i zadnjeg dana zbog dolaska i odlaska polaznika. Moduli se realizuju petkom, subotom i nedjeljom. Određeni segmenti modula biti će realizovani online, putem interaktivne platforme Omladinski inkubator, a o čijim će terminima odabrani polaznici/e biti naknadno obaviješteni.

Raspored održavanja modula Akademije nije konačan i VMFBiH zadržava pravo na njihovu izmjenu, a o mjestima održavanja će VMFBiH polaznici/e obavijestiti naknadno.





Kriteriji za prijavu

- Starosna dob podnosioca prijave je od **18 do 30** godina u trenutku prijave;
- **Aktivan/a** pojedinac/ka u zajednici koji/a je član omladinske organizacije, nevladine organizacije, krovnog tijela mladih ili neformalne grupe mladih u svojoj zajednici; i/ili omladinski radnik/ca; ili aktivan/a kroz druge oblike društvenog angažmana.
- Ideja za **inicijativu** koju bi provodio/la u svojoj lokalnoj zajednici;
- Postojanje **motivacije** i prethodnog **iskustva** u omladinskom sektoru;
- Podnosilac je državljanin Bosne i Hercegovine;
- Dostavljena je **sva** tražena dokumentacija.

Dokumentacija

Prijava se sastoji od sljedeće dokumentacije:

- 1) Popunjen prijavni obrazac;
- 2) Preporuka omladinske organizacije, nevladine organizacije, krovnog tijela mladih ili neformalne grupe mladih čiji ste član/zaposlenik; i
- 3) Kratki video u kojem će se Podnosilac prijave predstaviti i objasniti zašto treba biti odabran/a kao polaznik/ca ovogodišnje Akademije omladinske politike BiH.

Podnosilac prijave može dostaviti i dodatnu dokumentaciju koju smatra relevantnom. **Eliminatoran kriterij** je dostavljanje opisa inicijative u sklopu prijavnog obrasca, koju bi podnosilac potencijalno provodio/la u svojoj lokalnoj zajednici.

Selekcijski proces

Rok za prijavu: 11.04.2025. godine u 12:59h.

Prijave dostaviti putem online obrasca, koji se nalazi na [LINKU](#).

VMFBiH će odabrati najbolje podnosiocce prijave u skladu s navedenim kriterijima.

S odabranim polaznicima Akademije, VMFBiH će potpisati ugovor o pohađanju obuke.

Informativna sesija

Za zainteresovane aktivne pojedince biti će organizovana informativna sesija, koja će biti održana online. Cilj informativne sesije je predstaviti Akademiju omladinske politike zainteresovanim mladim osobama, te odgovoriti na njihova pitanja o načinu prijave, implementaciji Akademije, obavezama polaznika/ca i dr. relevantnim podacima.





[PRISTUPNI LINK](#) za informativnu sesiju 4. aprila 2025. sa početkom u 15.00 sati.

Važne informacije

Odabrani polaznici/e Akademije ne mogu delegirati drugoj osobi ispunjenje ugovornih obaveza, odnosno prisustvo na modulima i aktivnostima vezanim za program.

Odabranim polaznicima/cama Akademije bit će osigurani smještaj, hrana, radni materijali, kao i putni troškovi za vrijeme trajanja programa.

Prijava

Rok za prijavu: Poziv ostaje otvoren do 11.04.2025. godine u 12:59h.

Eventualna pitanja mogu se postaviti putem e-maila na hana.kunic@vijecemladih.ba ili telefonom na 033 204-104.

Nepotpune i nepravovremeno pristigle prijave neće biti uzete u razmatranje.

Sve informacije o VMFBiH mogu se naći na www.vijecemladih.ba.

NAPOMENA: Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.